



Андижон вилоят статистика бошқармаси
«Демография ва меҳнат статистикаси» бўлими
НИЗОМИ

I. Умумий қоидалар

1. Демография ва меҳнат статистикаси бўлими (кейинги ўринларда Бўлим деб аталади) вилоят статистика бошқармасининг таркибий бўлинмаси ҳисобланади.

2. Бўлим фаолияти ривожланишнинг миллий ва минтақавийхусусиятларини ҳисобга олган ҳолда илмий методологияга, халқаро стандартлар ва қоидаларга асосланган, давлат хокимияти ва бошқарув органлари, хўжалик юритувчи субъектлар, фуқаролар ва ташкилотларнинг расмий статистика ахборотларига бўлган эҳтиёжини қондирувчи ахборот-статистика тизиминингсамарали фаолият кўрсатишини таъминлашга йўналтирилган.

3. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президенти фармонлари, қарорлари ва фармойишларига, Ўзбекистон Республикаси Вазирлар Маҳкамаси қарорлари ва фармойишларига, бошқа қонун хужжатларига, Ўзбекистон Республикаси Президентининг 2020 йил 3 августдаги «Ўзбекистон Республикасининг миллий статистика тизимини янада такомиллаштириш ва ривожлантириш чора-тадбирлари тўғрисида»ги ПҚ-4796-сон қарори, «Ўзбекистон Республикаси Давлат статистика қўмитаси тўғрисида»ги Низомга ҳамда мазкур Низомга амал қиласди.

4. Бўлим ўз фаолиятини бошқарма бошлигининг ўринbosари раҳбарлигига амалга оширади, бир вақтнинг ўзида унинг фаолияти Ўзбекистон Республика Давлат статистика қўмитасининг Демография ва меҳнат статистикаси бошқармаси томонидан мувофиқлаштирилади.

5. Бўлим ўз фаолиятини вилоят статистика бошқармасининг бошқа таркибий бўлинмалари ва худудий статистика органлари билан ўзаро ҳамкорликда амалга оширади.

П. Бўлимнинг асосий вазифалари ва функциялари

6. Куйидагилар Бўлимнинг асосий вазифалари ҳисобланади:

а) демография вамехнат статистикаси бўйича ахборотларни шакллантириш ва таҳлил қилиш соҳасида:

Давлат статистика ишлари дастурига асосан демография ва меҳнат статистикаси бўйича ахборотларни йиғиш, қайта ишлаш, сақлаш, умумлаштириш, таҳлил қилиш ва чоп этиш;

демография ва меҳнат статистикаси ахборотларини шакллантириш масалалари бўйича худудий органлар фаолиятини мувофиқлаштириш;

б) демография ва меҳнат статистикаси соҳасида илмий асосланган методологияни жорий этиш соҳасида:

демография ва меҳнат статистикаси ахборотларини шакллантириш бўйича қабул килинган услубий ҳужжатларни амалиётда қўлланилишини таъминлаш;

худудий статистика органлари томонидан, демография ва меҳнатстатистикаси соҳасига оид давлат статистика кузатувларини ягона статистика методологияси асосида ташкил этиш ишларини мувофиқлаштириш;

в) замонавий ахборот-коммуникация технологияларини жорий этиш соҳасида:

демография ва меҳнат статистика ҳисботларини электрон шаклда тақдим этиш ва электрон ҳужжат айланиши тизимини жорий қилиш ишларини ташкил этиш, бу йўналишда худудий статистика органлари фаолиятини мувофиқлаштириш;

замонавий ахборот технологияларидан фойдаланган ҳолда, меҳнат статистикаси асосий кўрсаткичларининг такомиллаштирилган маълумотлар базасини юритиши.

7. Бўлим ўзига юклangan вазифаларни бажариш учун қуйидаги функцияларни амалга оширади:

Давлат статистика ишлари дастурига мувофиқ, меҳнат статистикаси бўйича статистик кузатувлар ўтказиш, умумлаштириш, таҳлил этиш, сақлаш ва статистик маълумотларни нашрга тайёрлаш ишларини ташкил этади;

Давлат статистика ишлари дастурига мувофиқ демография статистикаси ҳамда маъмурий-худудий бирликлар бўйича статистик кузатувлар ўтказиш, маълумотларни умумлаштириш, таҳлил этиш, сақлаш ва нашрга тайёрлаш ишларини ташкил этади;

демография ва меҳнат статистикаси бўйича худудий органлар фаолиятини назорат қилиш, мувофиқлаштириш, улар томонидан тақдим этилган ахборотларни таҳлил қилиш ишларини олиб боради;

худудий статистика органларига услубий ва амалий ёрдам кўрсатади;

вазирлик, бошқа худудий бошқармалар ва идораларга меҳнат статистикаси бўйича ахборотларни шакллантиришда услубий ва амалий ёрдам кўрсатади;

Демография ва меҳнат статистикаси бошқармаси билан ҳамкорликда маърузалар, статистик тўпламлар ҳамда меҳнат соҳаси жараёнларини тавсифловчи бошқа статистик маълумотларни тайёрлайди;

статистик маълумотларни шакллантириш, сақлаш ва тарқатишда замонавий ахборот технологияларидан самарали фойдаланишни таъминлайди;

белгиланган тартибда Бўлимга юқлатилган бошқа функцияларни амалга оширади.

III. Бўлимнинг хуқуклари ва жавобгарлиги

8. Бўлим ўзига юқланган вазифалар ва функцияларни бажариш учун қуидаги хуқукларга эга:

юридик ва жисмоний шахслардан ҳамда мулкчилик шаклидан қатъий назар бошқа хўжалик юритувчи субъектлардан белгиланган шаклларда ва муддатларда статистик маълумотларни сўраш ва олиш;

Давлат статистика ишларини ишлаб чиқариш дастурининг таркиби ва мазмунига оид таклифлар киритиш;

демография ва меҳнат статистикасига оид ҳисоботлар шаклларини, танлама кузатув сўровномаларини, уларни тўлдириш бўйича тушунтиришларни такомиллаштириш бўйича таклифлар киритиш;

Бўлим ваколатларига кирадиган масалаларни кенгашда муҳокама қилиш учун маълумотлар тайёрлаш;

Бўлим ваколатига кирувчи масалалар бўйича ишлар ижросини назорат қилиш ва мувофиқлаштириш.

9. Бўлим:

ўзига юқланган вазифа ва функцияларнинг зарур даражада ва самарали бажарилиши учун;

Ўзбекистон Республикаси қонунлари, Ўзбекистон Республикаси Олий Мажлиси қарорлари ва бошқа ҳужжатлари, Ўзбекистон Республикаси Президенти фармонлари, қарорлари ва фармойишлари, Ҳукумат қарорлари, фармойишлари, Давлат статистика қўмитаси, вилоят статистика бошқармаси раҳбарияти топшириқларининг ўз вақтида ва сифатли бажарилиши, ҳисбот ва ижро интизомини таъминланиши учун;

Бўлимга келиб тушган ва чиқаётган материалларнинг давлат, тижорат сирларига риоя қилиниши ва сақланишини таъминлаш учун жавоб беради.

IV. Бўлим фаолиятини ташкил этиш

10. Бўлим фаолияти Ўзбекистон Республикасининг “Давлат статистикаси тўғрисида”ги Конуни, Ўзбекистон Республикаси Президентининг 2020 йил 3 августдаги «Ўзбекистон Республикасининг миллий статистика тизимини янада такомиллаштириш ва ривожлантириш чора-тадбирлари тўғрисида»ги ПҚ-4796-сон қарори, ушбу Низом, Давлат

статистика қўмитаси, вилоят статистика бошқармаси буйруқларива қарорлари, шунингдек Давлат статистика ишлари дастури, Давлат статистика ишларини ишлаб чиқариш дастури, вилоят статистика бошқармасининг иш режалари, Давлат статистика қўмитаси Демография ва меҳнат статистикаси бошқармасинингйиллик иш режаси, ходимларнинг лавозим вазифалари асосида ташкил этилади.

Бўлим ходимларининг лавозим вазифалари бошқарма бошлиғи ўринбосари билан келишилади ҳамда бошқарма бошлиғи томонидан тасдиқланади.

11. Бўлимга вилоят статистика бошқармаси бошлиғи томонидан лавозимга тайинланадиган ва лавозимидан озод қилинадиган бошлиқраҳбарликқилади.

Бўлим бошлиғи:

Бўлим ходимлари томонидан юклатилган вазифалар, мажбуриятларни зарур даражада бажарилишини таъминлайди, ижро ва меҳнат интизоми ҳолати учун жавоб беради;

Бўлим ишининг самарадорлигини ошириш ва уни кадрлар билан тўлдириш чораларини кўради;

Бўлим ишларини такомиллаштириш, Давлат статистика ишлари дастурини, Давлат статистика ишларини ишлаб чиқариш дастурини шакллантириш бўйича таклифларни ишлаб чиқади;

ходимлар томонидан Бўлимга келиб тушган ва чиқаётган материалларнинг давлат ва тижорат сирларига риоя қилинишини ва сақланишини таъминлайди.

Бўлим бошлиғи қўйидаги хуқуқларга эга:

Бўлим ходимлари ўртасида вазифаларни тақсимлаш;

ходимларни бошқа лавозимларга кўрсатиш, ўтказиш ва рағбатлантириш, зарур холларда жазолаш чорасини қўллаш тўғрисида Бошқарма бошлиғига таклифлар киритиш;

Бўлим ходимларининг лавозим маошларига шахсий устамалар белгилаш, шунингдек аввалги ўрнатилган устамаларни камайтириш ёки бекор қилиш бўйича Бошқарма бошлиғига таклифлар киритиш;

Бўлим ишини ташкил этишни, усули ва услубини яхшилаш, ҳисбот, ижро ва меҳнат интизомини мустаҳкамлаш бўйича чора-тадбирлар ишлаб чиқиш;

Бўлим ваколатига кирадиган масалаларни муҳокама қилишда идоралар, корхона ва ташкилотларда вилоят статистика бошқармаси номидан қатнашиш.